



Na osnovu člana 17. stav 1. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07 i 15/08), a u vezi sa članom 61. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21 i 1/22), Visoko sudsko i tužilačko vijeće Bosne i Hercegovine je na sjednici održanoj 07.07.2022. godine, donijelo

O D L U K U **o imenovanju sudije u Sud Bosne i Hercegovine**

- I. Za sudiju Suda Bosne i Hercegovine imenuje se Curović Tanja.
- II. Imenovana stupa na dužnost 01.09.2022. godine.
- III. Ova odluka stupa na snagu danom donošenja i biće objavljena u „Službenom glasniku BiH“ i na internet stranici Vijeća.

O b r a z l o ž e n j e

Visoko sudsko i tužilačko vijeće Bosne i Hercegovine (u daljem tekstu: Vijeće) je dana 21.12.2021. godine, objavilo javni konkurs, broj: 04-07-3-4416-1/2021 kojim su, između ostalih pozicija, oglašene i dvije pozicije za sudije Suda Bosne i Hercegovine.

Nakon provedene konkursne procedure, nadležno podvijeće je izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o VSTV-u BiH i Poslovnikom VSTV-a BiH, Vijeće je odlučilo da za jednu od dvije pozicije sudije Suda Bosne i Hercegovine imenuje kandidatkinju pod rednim brojem 9. na rang listi, Curović Tanju.

Vijeće je nakon ocjene stručne sposobnosti kandidatkinje zasnovane na dosadašnjim rezultatima u karijeri, sposobnosti pravne analize, komunikativnosti i sposobnosti prezentacije, sposobnosti kandidatkinje da odgovorno, nezavisno i nepristrasno obavlja funkciju sudije, uzimajući u obzir, između ostalog, dosadašnje radno iskustvo kandidatkinje, profesionalnu nepristrasnost i ugled, ponašanje van posla, edukaciju i usavršavanje, objavljivanje naučnih radova, te druge aktivnosti u struci i ocjene kriterija podobnosti, ocijenilo da imenovana kandidatkinja u potpunosti ispunjava uslove za imenovanje propisane u članu 43. Zakona o Visokom sudskom i tužilačkom vijeću Bosne i Hercegovine.

Shodno navedenim kriterijima kandidatkinja je u toku konkursne procedure ostvarila ukupno 115,8 od mogućih 125 bodova, čime je kandidatkinja ostvarila potreban uspjeh u smislu člana 59a. stav (1) tačka c) Poslovnika VSTV-a BiH, kako bi bila predložena i imenovana za poziciju sudije Suda Bosne i Hercegovine.

U pogledu radnog iskustva kandidatkinje Vijeće je imalo u vidu da se radi o kandidatu koji radi na poziciji sudije Općinskog suda u Sarajevu od 2016. godine, te trenutno obnaša dužnost predsjednika krivičnog odjeljenja gdje postupa u najsloženijim predmetima. Prethodno imenovanju na poziciju sudije Općinskog suda u Sarajevu, kandidatkinja je u Sudu BiH, u periodu od 2007. godine do 2016. godine, obavljala

Prilikom donošenja odluke o imenovanju kandidata sa ove rang liste, Vijeće je vodilo računa i o činjenici da imenovanje tužilaca Tužilaštva BiH na pozicije u Sudu BiH prouzrokuje veliki broj izuzeća u postupanju budućeg sudije a samim tim onemogućava adekvatnu organizaciju rada Suda BiH. Odjeli I i II Suda BiH postupaju u Vijećima nepromjenjivog sastava u predmetima koji su kompleksni sa dugotrajnim suđenjem, te postupak za izuzeće sudije iz rada navedenih Vijeća zahtjeva formiranje *ad hoc* Vijeća čime se prouzrokuje umanjeno efikasnosti rada suda.

Takođe, prilikom donošenja odluke Vijeće je, u skladu sa članom 43. stav (2) Zakona o VSTV-u BiH, imalo u vidu i potrebu osiguranja adekvatne nacionalne i spolne zastupljenosti u navedenom sudu.

Datum: 07.07.2022. godine

Predsjednik VSTV-a BiH

Halil Lagumdžija

- Imenovanoj,
- Sud Bosne i Hercegovine,
- Ministarstvu pravde Bosne i Hercegovine,
- a/a.